



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Argumentum 7. In sola Ecclesia Romana persistit gloria Miraculorum à
Christo veræ Ecclesiæ promissa.

urn:nbn:de:hbz:466:1-40853

66 Cap. 3. Arg. 7. Methodus declarandi
ci; necessarium erit te hoc modo ulterius ratio-
cinari:

Omnis omnino tam Catholici, quam Sectarii
fatentur, in Ecclesia Romana posse salutem ob-
tineri: Omnes autem Catholici qui sunt maxi-
ma pars omnium Christianorum, omni tempo-
pore, & uno ore affirmant, me in Secta Luthe-
rina vel Calviniana non posse salvare. Ergo, si
volo esse certus & securus de salute æterna, de-
beo eligere Ecclesiam Romanam, in qua omnes
fatentur, me posse salvare, non verò Lutheranam
aut aliam, in qua maxima pars orbis Christiani
absolutè negat salutem posse obtinere. Hoc ar-
gumento Henricus IV. Galliarum Rex, post-
quam apud suos Ministros rem Fidei diligenter
examinaisset, professus est, se ad Ecclesiam Ro-
manam fuisse conversum, uti videre est apud
Historiæ Gallicæ Scriptores.

ARGUMENTUM VII.

*In sola Ecclesia Romana persistit gloria Miraculo-
rum à Christo vera Ecclesia promissa.*

Miraculis Ecclesiae Romane quasi conjura-
tione factâ novum bellum nuper indixit
Stillingfletus in Anglia, Zwickerus in Hollandia,
Danhaverus in Germania. Sed eorum imperum
validè repressit, fregit, prostravit ex Anglia noster
Worlæus, ex Germania Cornæus, aliquique ger-
manæ fidei pugiles strenuissimi. Hic autem pro
invicto miraculorum testimonio brevi methodo
sic argumentaberis.

1. Christus eodem modo contulit uerae Eccle-
sie potestatem prædicandi Fidem, & operandi
Mira-

Miracula Mar. 16. v. 15. Euntes in mundum universum prædicato Evangelium omni creatura. Et statim subdit: Signa autem eos qui crediderint, hæc sequentur, in nomine meo dæmonia ejicient.... super agros manus imponent, & benè habebunt &c. Sed in Ecclesia Christi hoc tempore perseverat potestas prædicandi fidem: Ergo etiam virtus operandi miracula. Cùm enim absque ulla temporis limitatione fuerit hoc privilegium veræ Ecclesiæ concessum, sine ratione afferitur illi jam erectum esse, cùm nullo modo ostendi possit quo modo, aut quo tempore fuerit revocatum, immò assidua tot miraculorum experientia comprobet, potestatem illam adhuc in Ecclesia Christi perseverare.

2. Ex his porrò conficitur hoc argumentum cuivis sanæ mentis homini manifestum. Miracula ab initio indicarunt veram Christi Ecclesiam, & Christus promisit ea in sua Ecclesia permanfura, ut jam ostensum est. Atqui miracula in sola cernuntur Ecclesia Romana: Ergò hæc sola est vera Ecclesia Christi. Aliàs nulla in terris dabitur Christi Ecclesia: cùm nulla prorsus alia Secta possit illam miraculorum gloriam sibi vindicare.

3. Frustrâ autem ex odio Religionis Romanæ cum Sectariis illis, hanc miraculorum gloriam non Deo, sed dæmoni adscribes: sic enim Judæi olim Christi miracula calumniabantur; in Beelzebub Principe dæmoniorum ejicit dæmonia, quæ tamen constat fuisse vera miracula, & signa Fidei certissima. Deindè innumera Ecclesiæ Romanæ miracula omnem dæmonis potestatem longissimè excedunt, ut mortuos ad vitam excitare, morbos incurabiles momentò curare, cœcis visum, surdis auditum, claudis incessum restituere.

stituerè. Uti non ita pridem coram multis testibus factum constat Cæsaraugustæ in Ioanne Pellicero Aragonio viro notissimo , cui integra tibia dudùm amputata divinâ virtute subitò restituta est. Mortuos à S. Martino , & à S. Dominico tres , à S. Xaverio supra viginti , ab aliis nostro ævo plurimos vitæ restitutos, iis testimoniis comprobatum invenies, quibus nihil potest esse in rebus humanis certius aut evidenter. Teste autem D. Augustino l. 22. de Civit. c. 5. miraculum vel unicum , quod constat à Deo factum, ad certissimum veræ Fidei testimonium sufficere debet.

Ad hæc frivola prorsus sunt Doctoris Stillingfleti responsa, Miracula scilicet hæc esse longinquæ, interuallo temporum , & locorum multas cudi fabulas , multos crescere rumores , multa hominibus credulis imponi. Et ad tibiam illam Joanni Pellicero , publico prodigo restitutam, sufficit illi per ludibrium reponere , Isto interuallo loci , & temporis quo fama hujus prætensi miraculi ex Hispania in Angliam transibat , facile potuisse Pelliceri stipitem lignum in tibiam excrescere. At si liceat hujusmodi facta publica, & severo judicio subjecta, & juratis testibus comprobata , unius Stillingfleti inani ludibrio in figmenta convertere , videat quæso , ne suum quoque nomen, & personam, & titulum, ut inanes fabulas , & popularis auræ fumos posteris transmittat. Quæro enim , si illius judicio insistas , quis hominum post pauculos annos credet extitisse Doctorem Stillinfletum, in Academia Cantabrigensi studuisse , legitimè examinatum fuisse , Doctoris lauream consecutum esse? Dicam ego , dicent posteri , hunc Doctoratus gradum, quamvis publicis tabulis & testibus

bus confignatum, solo populi rumore Stillingfle-
to accrevisse. At, inquis, testimonium de patra-
to miraculo res est supra naturam posita. Erras,
mi Doctor; miraculum quidem ipsum naturæ
vires excedit, prodigium verò jam patratum
oculis intueri, manibus palpare, juramento te-
stari, authoritate publicâ & indubitâtâ config-
nare, hæc nihil habent præter consuetas naturæ
leges, & normam communem, quâ solent res
gestæ certâ fide comprobari. Mirum in re tam
aperta halucinari hominem, qui cupit in Docto-
rum numero celebrari. Sed illi novum non est,
pro solidis argumentis, inanes jocos, & facetias
venditare.

Ne verò ad labefactandum hæc miracula ad
Dæmonis opem iterum configiat Adversarius,
illum breviter interrogo: Si ad fallendos homi-
nes Demon operetur miracula in Ecclesia Ro-
mana; an id faciat potestate divinâ, an virtute
propriâ? Non potestate divinâ, quia si Religio
Romana sit falsa, non potest Deus illam mira-
culorum testimonio tamquam suo sigillo com-
probare: Hoc enim esset Deum falsæ doctrinæ
subscribere, atque ita homines in fraudem indu-
cere. Non etiam propriâ dæmonis virtute ad
homines fallendos: quia sic dæmon multò ma-
gis operaretur miracula pro Secta Turcarum &
Judæorum, ut in eam magno suo lucro homines
induceret. Ergò miraculorum gloria in sola
Romana Ecclesia perseverans à solo Deo pro-
cedere potest, ut hoc signo & testimonio, uti
olim, ita hoc tempore, veram Ecclesiam homi-
nibus demonstraret.

5. Et verò ut in ea invenienda homines essent
inexcusabiles, extare voluit quædam miracula
publica, & perpetua, & omnibus facile con-
spicua,

70 Cap. 3. Arg. 7. Methodus declarandi
spicua, si Angli, & Batavi eâ curâ, quâ opes, &
merces peregrinas, veræ Fidei testimoniū in-
quirerent. Reperirent in Italia, & in ipso Reli-
gionis Romanæ gremio domus Lauretanæ mi-
raculum publicum, & omnibus scire volentibus
perpetuò conspicuum. Neapoli ampullam san-
guinis S. Januarii Martyris, qui in præsentia
Corporis constitutus miraculosè ebullit. Com-
postellæ in Hispania reliquias S. Jacobi ob pro-
batissima in dies miracula à toto orbe Christia-
no frequentatas. Ut prætercam in Belgio Virgi-
nem Aspricollensem, Hallensem, & alia ejus-
modi loca manifestis Dei miraculis continuò
illustrata, ex quibus Ecclesiæ Romanæ Adver-
sarii redduntur prorsus inexcusabiles.

Postremò, quantum ponderis habeant Mi-
racula ad commonstrandum veram Ecclesiam,
ipsi Adversarii suo calculo sæpius comproba-
runt. Quid enim? Si nostri, aut superioris ævi
miraculis nihil tribuendum, quid Lutheri artes,
quid Calvini fraudes in illis fabricandis tanto
studio insudarunt?

Nota est apud Staphylum, qui actioni inter-
fuit, & testatam reliquit, *Libro* qui inscribitur
Absoluta responsio, historia Lutheri, qui ut à mira-
culi testimonio, Prophetæ à Deo missi sibi no-
men usurparet, fæminam à dæmone possessam
Dei nomine à se liberandam multò apparatu
suscepit. Sed post ingeminatos clamores, & irri-
ta conamina, tandem ipse à dæmone in eas an-
gustias redactus fuit, ut ab eo congressu vali-
diorem dæmonis insultum vix vivus evaserit.

Tantam tamen in miraculis vim agnovit, ut
non dubitaverit ab illis iterum, iterumque ali-
quod suæ doctrinæ præsidium emendicare, de
tota Ecclesia suo judicio triumphaturus, si vel
unicum

unicum impetrasset. Itaque teste Cochlaeo in vita Lutheri, dum quendam nomine Nefenum in Albi submersum comperisset, spes plenus accurrit, preces prolixas ingeminat, sed nihil proficit; sacra carmina de mortui auribus insufserat, sed & haec surdo canit. Denique cum nihil intentatum relinqueret, ut cadaveri vocem aliquam aut motum extunderet, non aliud quam spectantium risum, & opprobria impetravit, qui in hoc Martini facinore, nullum nisi temeritatis, & audaciæ prodigium spectavere.

Alia his similia, nec dissimili euentu, tentarunt alii Lutheri aseclæ apud Cochlaeum ad annum 1533. qui ut se veridicos Prophetas populo probarent, diem extremi iudicij à se designatum præ foribus adesse prænunciarunt. His Prophetis creduli nimis agricolæ serere & arare desierunt, sed & vivere brevi desierunt, nisi inani expectatione tandem edocti, in ministris suis vanos va-tes agnovissent.

Neque his cedunt artes & machinamenta Calvini, qui in hoc erat sedulò intentus, ut aliquo patrati miraculi testimonio doctrinæ suæ fidem conciliaret. Rem sic aggressus est, teste Bolseco in vita Calvini cap. 13. Vir inops Brulaeus nomine cum uxore Ostuno Genevam de-migrat, à Calvino inopiae suæ subsidium postulat, annuit perbenigne, si illi vicissim in adoranda quadam miraculi specie operam suam, & fidem commodarent. Brulaeus, ut jubetur, morbum simulat, Ministri pro concione ægrum populi precibus commendant. Paulo post miser ille, ut prius ægri, ita nunc defuncti personam induit. Monetur Calvinus, & quasi rei ignarus cum amicorum caterua ad defuncti domum di-vertit, ubi cum Brulaei uxor ploratu ac lachrymis sceni-

72 Cap. 3. Arg. 7. Methodus declarandi
scenicum hoc funus egregiè adornasset , Calvi-
nus in genua provolutus , & fusis ad Deum pre-
cibus rogat , in testimonium suæ doctrinæ de-
functum hunc ad vitam suscitari ; atque appre-
hensâ ejus manu , altâ voce iterum iterumque
imperat ut sese erigat , & ad vitam redeat At
ecce novum miraculi genus , qui se mortuum
simulavit , jam verè mortuus reperitur , quo
viso uxor attonita , & in serias lachrymas &
querelas effusa , infauatas Calvini technas omni-
bus ex ordine reseravit. Interea remansit mulier
infelix sine viro , & Calvinus infelior sine mi-
raculo.

ARGUMENTUM VIII.

*Sola Ecclesia Romana habet infallibilem Fidei Re-
gulam , & decisionem controversiarum.*

1. **V**era Christi Ecclesia debet habere infalli-
bilem fidei suæ Regulam , quâ possit diri-
mere controversias in Negotio Religionis fre-
quenter emergentes , ac sententiae à se prolatæ
rationem , ac fundamentum assignare , in quo
possit intellectus certò & securè acquiescere.
Nam sine tali Regula & Judice controversia-
rum omnia erunt incerta , ac plena litibus inter-
minatis : adeoque talis Religio non erit vera
Religio , quæ debet esse rerum omnium certissima.

2. Atqui Ecclesia Lutherana & Calviniana
nullam possunt tales fidei Regulam exhibere , potest autem Ecclesia Romana. Ergo hæc
fola potest esse vera Christi Ecclesia.

3. Minor probatur , quia talis Regula non po-
test